

## PUMPOTAĆ

- a) so hóršić na někoho abo něšto
- b) wodu z hata klumpać
- c) w ćežkich škornjach chodźić

Prawa je wotmołwa **a**.

*Je to imperfektiwny verb, kotryž wupraja, zo so něchtó husto abo nastajnosći na něšto abo někoho hórši. Móže to być starši čłowjek, kiž do swojeje brody bórboli a na wšo swari, abo tež čłowjek, kotryž so na kóždu maličkosć hórši.*

### **Takle móžeš to tež prajić:**

so na někoho/něšto hóršić<sub>ip</sub>, mórkotać<sub>ip</sub>, puzolić<sub>ip</sub>, santorić<sub>ip</sub>, nastajnosći na něšto swarjeć a bórčeć<sub>ip</sub>

### **Kedźbu!**

Bajowa postawa z mjenom Pumpot njeje pumpotacy starc, ale wjesoły a šibały kuzlar ze šěrokim, kónčkojnym klobukom.

### **Příklady z rěčneho korpUSA:**

Meki drje *pumpotaše* a na cyłu armeju swarješe, tola skónčnje tola stany a so nam k blidu přisydny.  
(Beno Budar, W susodstwje makrelow, Budyšin 1979)

„Jeli chceće so hóršić, móžeće hnydom zaso hić“, *pumpotaše* Ambrož a wusmorka sej swój čerwjeny nos.  
(LHV)